



C O N C E L L O
DE
M O E C H E
(A CORUÑA)

Núm.

ACTA DA SESION EXTRAORDINARIA CELEBRADA POLO PLENO DA CORPORACIÓN DO CONCELLO DE MOECHE O DIA 31 DE MARZO DE 2016

No Salón de Sesiões da Casa do Concello de Moeche, sendo as 20 horas do día 31 de marzo de 2016, baixo a presidencia Sra. Alcaldesa D^a. Beatriz Bascoy Maceiras, reunense os Srs./as Concelleiros/as que se citan:

- D. Magin Fernando Lago Tuimil
- D^a Iria Couce Rego
- D. Jose Manuel Soto Sanchez
- D. Juan Carlos Rodriguez Lago
- D. Jorge Gonzalez Aneiros
- D. Rocio Luaces Antón.

Non asisten

- D. Xulio Cribeiro Garcia
- D. Aquilino Sueiras Dopico

Asistidos da Secretaria da Corporación D. Consolación Couce Calvo, co obxecto de celebrar sesión extraordinaria para a que foron previamente citados, constando en Secretaría o recibí de citación á sesión por parte de tódolos membros que o compoñen.

Co quórum establecido polas disposicións legais vixentes para a válida constitución do pleno, pola Sra. Alcaldesa declarouse público e aberto o acto, adoptándose os seguintes acordos, conforme á orde do día que figura na convocatoria de citación á sesión

1.- APROBACION, SE PROCEDE, DA INCORPORACIÓN DO CONCELLO DE MOECHE NA ASOCIACION SEN ANIMO DE LUCRO PARA CONCORRER OS FONDOS EUROPEOS LEDADER DE GALICIA 2014-2020

O Pleno da Corporación, por unanimidade dos asistentes, prestou a súa aprobación a proposta que se transcribe de seguido

“No Diario Oficial da Unión Europea, L 347, de 20 de decembro de 2013, publicáronse os novos Regulamentos dos Fondos Estructurais e de Inversión (FEI), que serán aplicables aos Estados Membros e Rexións da Unión Europea, para o período 2014-2020.



En España os FEI do período 2014-2020 serán catro: o Fondo Europeo de Desenvolvemento Rexional (FEDER), o Fondo Social Europeo (FSE), o Fondo Europeo Agrícola de Desenvolvemento Rural (FEADER) e o Fondo Europeo Marítimo y de Pesca (FEMP).

O Regulamento (UE) nº 1305/2013 do Parlamento Europeo e do Consello, relativo a axuda ao Desenvolvemento Rural, a través do FEADER, permite que os Estados Membros presenten un programa nacional e un conxunto de programas rexionais, garantindo a coherencia entre as estratexias nacionais e rexionais..

Tamén insta aos estados membros a establecer, a escala rexional, subprogramas para o desenvolvemento das zonas rurais, que teñan en conta o potencial endógeno e as necesidades locais dos territorios con características socioculturais comúns, fomentando a financiación e posta en marcha de Estratexias de Desenvolvemento Local Participativo, xestionadas por Grupos de Acción Local (GAL) con enfoque LEADER.

Así, a Conferencia Sectorial de Agricultura e Desenvolvemento Rural, acordou que o Programa Nacional de Desenvolvemento Rural (PNDR) de España, distribuíse fondos FEADER entre os Programas de Desenvolvemento Rural das Comunidades Autónomas, que finalmente chegarán a 8.297.388.821€.

A Galicia lle corresponden 889.800.000€, e vai destinar 84.000.000€ destes fondos ao LEADER de Galicia 2014-2020, distribuídos nun número aproximado de 24 GAL, que abarcarán casi tódolos concellos da nosa Comunidade Autónoma.

O Regulamento (UE) nº 1303/23 do Parlamento Europeo e do Consello sobre disposicións comúns e específicas dos Fondos, sinala, no seu artigo 34, que os GAL deben estar compostos por representantes locais públicos e privados, que deseñen unha estratexia local e a leven a cabo.

Do mesmo xeito, se incide no Regulamento (UE) nº 1305/2013, cando recalca a composición dos grupos de acción local como un grupo de socios públicos e privados locais dun territorio, organizados entorno a unha asociación sen ánimo de lucro para levar a cabo a estratexia de desenvolvemento local participativa LEADER.

Este concello de Moeche xa formou parte, do GDR Asociación Euroeume, que xestionou os fondos europeos do Programa de Desenvolvemento e Diversificación Económica de zonas rurais (PRODER), no período 1.994-1.999, LEADER+, periodo 2.000-2.006, e Eixo LEADER do Plan de Desenvolvemento Rural de Galicia (periodo 2.007-2.013).





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

Pero coñecemos que, para o período LEADER de Galicia 2014-2020, redúcese o número de grupos a vinte e catro, modificándose os actuais ámbitos territoriais, de xeito que os concellos das comarcas de Ferrol, Eume e Ortegá van configurar un só grupo.

Por isto, os concellos que conforman a Asociación Euroeume e os representantes das entidades sociais, acordaron na Asemblea Xeral Extraordinaria do 24 de Novembro de 2015 e reiteraron na Xunta Directiva do 29 de Febreiro de 2016, iniciar os trámites de constitución dunha nova entidade.

Todo isto co afán de dispoñer dunha entidade que se poida encargar de dinamizar a poboación e propiciar a elaboración da Estratexia de Desenvolvemento Participativa e poder concorrer a xestionar ditos fondos europeos, para o noso ámbito rural.

Así, dende o mes de xaneiro estanse a producir reunións, promovidas e respaldadas polos Concellos. Concellos, que estamos exercendo o liderazgo que nos corresponde neste intre, para conformar un auténtico partenariado local, organizado entorno a unha Asociación sen ánimo de lucro, tal como esixe a UE e, posteriormente, deseñar entre todos a Estratexia de Desenvolvemento Participativo, que nos permitira dispor, xa neste ano, de fondos LEADER para o noso ámbito territorial.

Esa é, en definitiva, a razón de formar parte como socio fundador: participar, impulsar e liderar a gobernanza e o parteariado local.

En consecuencia do exposto o Pleno da Corporación, por unanimidade ACORDA:

PRIMEIRO.- O Concello de Moeche acorda integrarse como socio, na Asociación sen ánimo de lucro recentemente constituída, cuxo fin será a elaboración da Estratexia de Desenvolvemento Local Participativa, e concorrer os fondos europeos LEADER de Galicia 2014-2020

SEGUNDO.- Desinar formalmente á Alcadesa, D^a Beatriz Bascoy Maceiras como representante permanente deste Consistorio nesa entidade, e como suplente a concelleira D^a Iria Couce Rego.

2.- PROPOSTA A REAL ACADEMIA GALICIA PARA ADICAR O DIA DE LETRAS GALEGAS 2017 O PROFESOR CARVALHO CALERO

O Pleno da Coporación, por unanimidade dos asitentes, prestou a súa aprobación a proposta que se transcribe de seguido:



“Ricardo Carvalho Calero (1910-1990) , escritor sobranceiro da nosa literatura, foi proposto como candidato ao Día das Letras Galegas dos anos 2008, 2010, 2013, 2015. Neste ano 2017 unha vez máis diferentes entidades e institucións, entre elas o Concello de Moeche, inician un proceso de apoios e iniciativas conducentes á acadar que se faga xustiza e Ricardo Carvalho Calero sexa o autor homenaxeado no Día das Letras Galegas 2017.

Da rica e comprometida biografía de R. Carvalho Calero cabe destacarmos que foi membro do Seminario de Estudos Galegos (SEG) dende 1927, co-redactor do Anteproxecto de Estatuto de Autonomía de Galiza, 1931, licenciado en Dereito pola Universidade de Santiago, 1931, funcionario do Concello de Ferrol, abril de 1933, licenciado en Filosofía e Letras pola universidade de Santiago, xaneiro do 1936, depurado como funcionario do Concello de Ferrol, decembro do 1936, doutor en filoloxía románica, Madrid,1954, cofundador da editorial Galaxia, 1950, membro de número da Real Academia Galega (RAG), 1958, catedrático de Lingüística e Literatura Galegas da Universidade de Santiago, 1972

Entre as numerosas homenaxes e recoñecementos recibidos figuran membro de honra da Asociación de Escritores en Lingua Galega (AELG), 1980, reposición honorífica como funcionario do concello de Ferrol, novembro do 1981, Medalla Castelao da Xunta de Galicia, 1984. nomeado Fillo Predilecto de Ferrol, xaneiro do 1990, nomeamento como Fillo Ilustre de Galicia polo Parlamento galego, 1996, foi obxecto de estudos, simposios e congresos Na súa obra extensísima destaca entre moitas obras “Vieiros”, poesía, A Coruña, 1931, “Anxo da terra”, poesía, Pontevedra, 1950, “A xente da barreira”, novela, Santiago, 1951, Historia da literatura galega contemporánea (1808-1936), ensaio, Vigo,1975., Estudos rosalianos, ensaio, Vigo, 1979, Da fala e da escrita”, ensaio, Ourense,1983, Narrativa completa, Sada, 1984

Resta dedicarlle o Día das Letras Galegas, a súa prolífica traxectoria e o seu compromiso coa nosa lingua e a nosa cultura fano digno merecedor deste recoñecemento. Por primeira vez no ano 2008 Francisco Fernández del Riego propúxolle á RAG, como o seu presidente, a candidatura de Carvalho Calero ás Letras Galegas, mais, en palabras súas, “A proposta non prosperou e ben que o sentín”. Diferentes entidades e persoas reiteraron a candidatura nos anos 2010 e 2013, tamén sen éxito.

No ano 2014 unha comisión, que acadou amplísimos apoios asociativos, particulares e institucionais, teimou en que lle fose dedicado o Día das Letras Galegas do ano 2015 a Ricardo Carvalho Calero, esgrevio galeguista que ao longo de máis de seis décadas desenvolveu un inmenso labor poético, narrativo, ensaístico, xornalístico, académico, lingüístico, docente, ..., a prol de Galiza e da lingua e cultura galegas. Mais a proposta de homenaxe a don Ricardo Carvalho Calero, o primeiro profesor de galego na Universidade galega, pai lingüístico de varias xeracións, non prosperou. Nesa ocasión escribiu Vicente





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

Araguas “Pasan os anos e manteñen unha vez máis a inxustiza contra un dos maiores e mellores valedores das nosas lingua e cultura galegas”.

Para o ano 2017, sen desmerecer a ninguén, é tempo de que sexan recoñecidos ao fin os grandes méritos do profesor Carvalho Calero por unha Academia na que ingresou o 17 de maio do 1958. Neste 2016, 26 anos andados do seu pasamento, non pode continuar “Unha das ausencias máis clamorosas no eido das conmemoracións e homenaxes ás grandes figuras da cultura do país.”

Por todo o exposto, o Concello Pleno, por unanimidade ACORDA::

Solicitarlle á Real Academia Galega que se lle dedique o Día das Letras Galegas 2017 a Ricardo Carvalho Calero

E, non habendo mais asuntos que tratar polo Presidente levantase a sesion sendo as 20 horas e quince minutos do día indicado no encabezamento. Do que eu, Secretaria CERTIFICO

Vº e Pz
A ALCALDESA



Asdo. Beatriz Bascoy Maceiras

A SECRETARIA



